

H. I.


1671.




594871-
-594888 **II**

Mag. St. Dr.

6. IV. II.





Exequijs
MATRONÆ,

*Quà antiqui generis splendorem, quàm eximia omni-
um Christianarum virtutum ornamenta præstantissima
ac honoratissima*

ELISABETHÆ

Schwalchs/

VIRI

Magnifici, Consultissimi & Excellentissimi
DN. SEBASTIANI HEMPELII,
J. U. D. Reg. Mtis Svec. & celsiss. ac Illustriss.
Princip. Pom. Consiliarij fidelissimi, Conjugis
quondam desideratissimæ;

QVÆ

*Nata Stetini annò Christi 1603. 14. Februarij; piè de-
nata 1636. 19. Jan. circa 9. vesp. ætatis suæ 33. hodie, 29.
Jan. h. 3. pom. ibid. in æde D. Jacobi sacrâ, quàm ex-
anime corpusculum, adhibitis solitis apud Chri-
stianos Carimonjjs humabitur;*

Ut

Omnes & singuli studiosi Juvenes in Ducali
Pædagogio frequentes ac lugentes inter sint,
Seriò jubeo & Exhortor

Ego

M. MARTINUS LEUSCHNERUS, ibid Rector.

STETINI, Literis GEORGII GOETSCHII.



Nter plurimas gravissimasq; æru-
mnas atq; miseras, quæ infelicem Proto-
plasterum lapsum consecutæ sunt, non im-
merito etiam numerantur plurimi illi &
exquisitissimi dolores, quibuscum sexus fæ-
mineus, naturâ imbecillior atq; fragilior,
tempore partus, ad ultimum usq; vitæ spiritum collucta-
tur. Etenim siue ipsas prægnantes respexeris, siue fœtū,
siue quæ extrinsecus sunt posita, omnia hæc ita comparata
deprehendes, ut dolor & langvor, horror & tremor, an-
gor & præsentissima mortis imago inter se de primis qua-
si contendere videantur. Prægnantes quod attinet, præter-
quam quod ipsa cari oneris per tot menses gestatio, plena
molestiæ & periculi est, facilèq; casu aliquo adverso in ma-
lum converti potest incurabile, cibi nunc consueti tadium,
nunc insueti appetitio miseras divexat: nunc inusitata vo-
mitiones, nunc acutiores ventris dolores; cordis mox pal-
pitationes, hinc syncopæ; mox tussendi necessitas, alviq;
nunc suppressio, nunc citata profusio, mortis periculò su-
spensas penè enecant. Accedunt inflatorum crurum tu-
mores, sanguinisq; ex uterò eruptiones, atq; inde orti per-
petui langvores, virium defectio, passionibus melancholi-
cæ, animi mœrores, facillimæq; in morbosò & gravius affe-
ctò corpusculò indignationes & exacerbationes. Nihil hæc
de ipsius partus difficultate, quæ aut ipsa mors esse, aut sa-
nè non multum ab illâ distare videtur, dicendum autumo:
Labor ille merito appellatur, imò quovis labore laborio-
sior. Fœtum si spectes, nã incommoda inamœnæq; in tam
angustò squalidoq;, pro ipso, hospite tam carò, habitatio!
O mirum iterumq; mirum, quod infirmus ille per tantas
angustias vivus prodeat, quod non ipsam novimestrem sui
gestatricem in lucem prorepens enecet! Fieret sanè, paucosq;
intra

intra annos genus hominum exisset omne, nisi mirabilis divina providentia opportunas ferret suppetias, perq; cœcas hasce meatuum umbras, firmiter oppellatas, demonstraret exitum. Extrinsecus porro quot & quæ tantarum ærumnarum, quæ so, augmenta? ea sanè, quæ difficilimum hoc naturæ opus, quod omnem humanarum virium ambitum excedere videtur, innumeris pene aggravent accessionibus. Nunc horribili bellorum strepitu, nunc improvise duellorum coortæ turbæ, bombardarumq; boatus, nunc alia terribiliorum genera, per se pavidæ & meticulosas exanimant: paucis: vix ullum doloris genus, ullave periculi aut mali species cogitari potest, quæ infelicem hunc sexum, uterum ferentem, non coangustet atq; discruciet. Testis hic est omni exceptione major, humani generis Servator, qui afflictissimum discipulorum suorum statû, tempore passionis suæ, cum parturientium angore comparat: *Mulier, inqviens, quum parit, dolorem habet, quoniam advenit hora ejus.* Quæ verò tantorum dolorum causa parturientibus? infelicissimus ille primus lapsus, ipsius Jehovah testimoniò, qui, *multiplicando, inquit, multiplicabo dolorem tuum, etiam conceptus tui, in dolore paries liberos.* Lapsus itaq; primæ parentis Hevæ sexum foemineum tantis obnoxii reddidit ærumnis. Hic est Lernæa illa palus, ex quâ tot nocivæ hydræ, tot viræ humanæ pestes prodeunt, quæq; sævâ illam exhalat omnium malorum mephitim. Nequaquam verò animus abjiciendus, aut dolori huic succumbendum. Medicus cœlitus datus est, qui malis hisce attulit remediû, hodieq; efficit, ut vivus ex homine nascatur homo. Is atrocem hanc peccati pœnam in salutaris patientiæ exercitium convertit, ut non pœna amplius divinæ indignationis index putanda sit, sed salutare derivandæ ad nos divinæ benedictionis organon, quod, si quando doloribus paulò

A2

refer-

refertius, Christianæ fidei & constantiæ *δοκιμασία* atq; probatio est. Imò si fortè svavi mortis somnò oculos obsoptos claudat, instar martyrij est, talemq; mortem passæ, ceu gloriosæ victrices, ex tenebricosa hac ærumnarum valle, ad coelestis & nunquam desitura vitæ gaudia transferuntur. *Salva namq; fit mulier per generationem liberorum, si manserint in fide ac dilectione & sanctificatione cum castitate. 1. Tim. 2. 16.* Sive itaq; in partu, sive post partum moriatur, sive eluctata vitam ad plures casus similes retineat, in fide si permanserit, atq; hanc officij sui functionem satis arduam in verâ dilectione DEI atq; proximi, inq; sanctitate non fucatâ obiverit, repõta ipsi in cœlo est corona justiciæ, proq; momentaneâ hac afflictione, æternum pondus gloriæ, qvòd nullis mundi delicijs, nullis thesaurorum pretijs, secularibusve voluptatibus permutandum. Qvòd summâ hætenus cum pietatis laude fecit matrona antiqui generis splendore, omniumq; Christianarû virtutum ornamentis cultissima *Elisabetha Schwalches* Viri Magnifici, Consultissimi & Excellentissimi Dn. *Sebastiani Hempelji*, J. U. D. Regiæ Mtis Sved. & Illustrissimi Principis Pomer. Consiliarij eminentissimi, Conjux desideratissima, quæ cùm & ipsa non ita pridem, post exantlatos, ante aliquot hebdomadas, partû difficilioris dolores, ineluctabile qvoddam morbi malum concepisset, illudq; , postqvam publico se Ecclesiæ conventui, ardentissimò audiendi verbi divini desiderio, consuetis apud Christianos carimonijs, restituisset, irritatum violentiùs ipsam oppugnare cœpisset, fractis labefactati corpusculi viribus tantam mali vim amplius non ferentibus, salvificâ meriti Servatoris sui fiducia freta, doloresq; suos & mortis angores spe longè melioris vitæ salutariter solata, omnium malorû tandem divini Spiritus auxiliò effecta victrix, depositis apud nos corporis

poris exuvijs, ad beatissimum & jucundissimum beatarum mentium concilium, lætabunda emigravit. Nos, ut & sanctissimis corporis Ipsius reliquijs, quæ hodie communi mortalium Matri terræ restituentur, ultimum exequialis honoris officium præstemus, & eminentissimo jamq; heu dolor! insperatò hoc casu afflictissimo Dn. viduo, ut & toti amplissimæ lugenti familiæ piam nostram observantiâ & condolentiam declaremus, vitam piè defunctæ, quam apud nos honestissimam & innocentissimam exegit, brevi delineatione recensēbimus.

Natam illam accepimus Stetini, annò post reparatam hominum salutem, supra millesimum sexcentesimo tertio, 14. Febr. parentibus amplissimis & celeberrimis; Patre quidem Excellentissimo, Consultissimo & Eminentissimo viro Dn. *Samuele Schwalch* / J. U. D. & Ordinum Provincialium ac Reip. Stet. Syndico meritiſſimo: Matre autem honestissimâ omniq; matronalium virtutum genere ornatissimâ foeminâ *Annâ Mariâ Fridericianâ*, qui optimi parentes quanto & generis splendore, & optimarum virtutū ac laudabilium actionum celebritate vivi claruerint, & breviter dici nequit, & cum bonis omnibus sit notissimū, prolixâ narratione attingendum non est. Avum in paternâ lineâ sortita est virum Honestissimum & Spectatissimū Dn. *Joachimum Schwalch* / mercatorem hujus urbis primum; aviam lectissimam & honestissimam foeminam, *Ursulam Weinerts*: In maternâ autem lineâ Avus ipsi contigit Amplissimus, Consultissimus & Excellentissimus vir Dn. *Christophorus Friderici* J. U. D. itidem Provincialis & Urbanus hîc Syndicus eminentissimus; Avia Nobilissima, & omnigenò matronaliū virtutum ornatu decoratissima foemina *Ursula Rudolphina*, cujus egregia & non fucata pietas, honesta conversatio & alia virtutum ornamenta hodieq;

dieq; bonorum omnium lingvis ac sermonibus celebrantur ac prædicantur. Ex optimis itaq; & spectatissimis hisce parentibus atq; majoribus orta piè defuncta, maturè, fidelissimâ parentum curâ, Christo Servatori oblata, sacratoq; Baptismatis lavacrò à peccatis abluta, & mystico Christi corpori inserta; atq; deinceps per omnem primâ ætatem, cum probâ educatione, tum fideli institutione ad veri Christianismi leges & virtutes, atq; mores hunc sexû maximè decentes, studiosè & sollicitè formata & adsefacta fuit. Nec frustrâ fuit laudatissima hæc parentum in administrandâ Educatione tenellæ hujus filiolæ diligentia & industria. Cùm enim ex benigniori divini numinis munere nativam indolem accepisset optimam, ita, indies magis magisq; connatis naturæ dotibus sese exerentibus, in omni virtutum genere morumq; laudatissimorû ornamentis profecit, ut laudem inveniret apud omnes, eosq; in admirationem & amorem sui totos converteret. Proinde cùm in laudabili hoc virtutû curriculò gnaviter pergens jam adolevisset, annò 1621. à Magnificò, Consultissimò & Excellentissimò viro Dn. *Sebastiano Hempelio* J. U. D. & Celsiss. Duc. Pom. Consiliariò eminentissimò, ad perpetuum vitæ consortium expetita, Ipsiq; de consiliò Dn. Matris & Consanguineorum publicè desponsa, atq; die D. Martino sacro, ejusdem anni, solenni nuptiarum sacro copulata, inq; torò nuptiali apposita fuit. Quod piè initum matrimonium non solum summâ tranquillitate cum exoptatissimò hoc suò marito coluit, sed ipsum etiam 8. liberorum; duorum filiorum, & sex filiarum patrem effecit, ex quibus ambo filij & una filia hunc matris ad cœlites abitum suò anteverterunt: quinq; filiæ, divini numinis beneficiò, adhuc superstites, præmaturû desideratissimæ matris ex hac vita excessum, cum amplissimò & mœstissimò Dn. Patre, cali-

calidissimis lacrymis atq; suspirijs acerbè lugent; quas ut
Deus ter opt. maximus vivificâ divini sui Spiritus virtute,
unâ cum mœstissimo Dn. Patre & totâ lugente familiâ eri-
gere, firmare & cōsolari paternè velit, animitus precamur.

Vitam ejus cæteram quod attinet, illam, ut nemini
ignotum esse potest, varijs egregiarum virtutum exemplis
omnibus conspicuam reddidit, idq; operam dedit sedulò,
nequid vel dictis vel factis committeret, quod justam re-
prehensionem mereretur, aut à bonis improbari posset.
Conjugem suam divinæ providentiæ nutu sibi adjunctum
debita observantiâ & facili obsequiò impensè coluit, va-
riasq; animi agritudines & difficiliore officij curas, pru-
dentibus festivisq; alloquijs aut planè eximere, aut ad mi-
nimum lenire & obsopire semper annisa est. Cum soror-
ibus, consanguineis, vicinis alijsq; amicitia sibi aut hu-
manitatis lege conjunctis pacem & concordiam sanctè co-
luit, neminem dictò aut factò sciens lubensvè læsit, sed o-
mnes promiscuè studijs, officijs atq; obsequijs demereri
studuit; & pauperibus inprimis ac egenis nullum benefi-
cij genus in se claudi passa est; cumq; probè sciret, *pietate
habere promissiones hujus & futurae vite*, eidem totam se con-
secravit: Deum unum in Essentiâ, trinum in personis, de-
votâ veneratione coluit, verbum ejus & sacramentorum
usum maximi semper fecit, atq; non solum in audiendis
Concionibus publicis, sed in legendis etiam privatim sa-
cris Biblijs atq; alijs libris, ad veram pietatem excitantib9,
omne tempus, à curis domesticis vacuum, consumsit.
Ab hujus vitæ adversitatibus atq; ærumnis, à quibus ne-
quaquam Deus Ipsam immunem esse voluit, freta verè
Christianæ patientiæ clypeò, planè invictam se præstitit,
& si quando crucis molem sibi imminere sentiret, cum
Plalte regio piè suspiravit: *Calicem salutaris accipiam, & no-*
men

men Domini predicabo. Cum itaq; vitam cœlō dignam hactenus egisset, Dēo complacuit, ab eoq; ne inter peccatores ampliùs vivens pessimi huius seculi injurijs esset obnoxia, in cœlum, præmaturā quidem, sed placidissimā morte translata est. Etenim, postquam ante paucas hebdomadas difficiliter puerperium vires ipsius valdè infregerat, cū sibi jam ex parte convaluisse videretur, ideoq; consuetō apud Christianos ritu, templum Domini repetens communitati Ecclesiæ se restitueret, vix domum reversa, gravi cum morbo, procul dubio ex reliquijs malī in puerperiō collecti, subortō colluctari cœpit, cujus rigore & indies in deterius incrementa capiente imperu, nihil proficientibus efficacissimis adhibitis medicamentis, hoc vas infirmum tandem confractum immortalem Spiritum, quem hactenus quasi hospitē in se continuerat, rapto inquilinatus fœdere, in cœlum, instructum antè saluberrimō corporis & sanguinis Domini viaticō, dimisit, 19. Januarij currentis novi anni, circa 9. vespertinam, cū inter mortales vixisset annos 33. min. 3. hebdomad. dieb. quinq;. Deus benignissimus ex animi corpusculo, magnō illō *Restitutionis omnium* die, cum omnibus Electis lætissimam resurrectionem largiatur, & mœstissimū Dn. viduum, gemētes ac frementes filiolas, toramq; lugentem familiam amplissimam Spiritu rectitudinis & consolationis impleat ac soletur, & ab omnibus similibus casibus lugubribus in posterum intactam clementer conserve.

Quod superest, omnes & singulos studiosos juvenes, qui se nostri cœtus membra profitentur, seriō exhortor, ut, cū horā 2. Pom. funus hoc ampliss. deducendum sit, frequentes cōgressi, ex Auditoriō nostro majori, præceptores, honoris causa, in funus prodituros, decenti comitatu sequantur. Prop. publicē 29. Jan. Annō 1636.

